

[Augsburg], 10. November 1563

An Johannes Oporinus

UB Basel, Fr. Gr. I 11, fol. 268r.

Steinmann Nr. 758.

Lit.: Steinmann S. 49.

<S. P. D. ? a>dmodum me spem pecuniae nullam habere ex bibliotheca <? nis>i magistratus denuo interpellando. Saepius non ausim <? si inuen>is emptorem, vende bonis auibus. Ego responsum nullum <? Indi>ces tuos remisissem tibi, si in conclavi meo reperire potuissem. <Magicis prae>stigijs mihi eos ereptos esse suspicor, sicut heri etiam aliquot aurei <? m>utuo accepti ad soluendum vinum, inter manus vigilanti <mihi vel>uti euanuerunt subitò, vt in omnibus abditissimis angulis paruae domunculae quaesiti nusquam appareant. οὐ καλοὶ οὗτοι οἱ οἰωνοὶ ἀλλὰ μειζόνων κακῶν προοίμια. γενηθήτω δὲ τὸ θέλημα τοῦ θεοῦ. Vt Suidas abs te ad nondinas proximas absoluatur, è re tua esse arbitror, cùm ob venditionem librorum, tum quod Villingerus eius operis auditus honorarium pollicetur si maturaueris. Est et mihi pecunia opus. Tantae difficultates nouae aeconomiae meae obijciuntur. Itaque vt mea etiam causa properes oro. Nam ipsum opus non magni aestimo, et quod ad me ipsum attinet, tametsi prorsus interiret, susqüe dequē ferrem. Desiderium meum expletum est Epicteto edito, quem omnibus meis lucubrationibus vnum longè antepono. Habeo quidem permulta dictata in scholis et priuato studio annotata, quae siue pereant siue edantur, in nullo equidem discrimine posuerim, imò vt pereant curabo, si nihil periculi fuerit a mendosis aliorum editionibus, quòd pleraque meis auditoribus in manibus sunt. Ingens est emendationis labor, accedunt descriptionis sumptus et molestiae. Ac tu quidem in mittendis codicibus liberalissimus es, sed ij quibus donantur omnes, vecturae et compacturae precium mihi non restituunt. Con stant mihi Officia ad f. 15. Sed ne 15. quidem obolos inde accepi. Sunt qui nec gratias egerint. Idem mihi vsu venit in Gregora et Epicteto, excepto vno atque altero. Honos alit artes. Ζημία δὲ ὀκνηροὺς ἀπεργάζεται τοὺς μὴ εὐποροῦντας. Sed haec nihil ad rem. Tu cures velim, vt iacturae nostrae Suida editio pensentur. ὁ προσφωνούμενος se liberalem fore pollicetur, et quidem nisi fecerit, iniquissimus erit, qui tantos mihi labores, οὐδὲν δεομένω impostuerit. Vale. 10 Nouembris 1563.

Hiero[nymus] Wolfius.